



# Wisconstige gedachtenissen : nhoudende t'ghene daer hem in gheoeffent heeft den doorluchtichsten hoochgeboren vorst ende heere, Maurits prince van Oraengien ...

<https://hdl.handle.net/1874/40341>

**TWEEDE DEEL  
DER GHEMENGDE  
STOFFEN,  
VANDE  
VORSTELICKE  
BOVCKHOVDING IN  
DOMEINE EN FINANCE  
EXTRAORDINAIRE.**

## C O R T B E G R Y P.



I noemen desen handel Vorsteliche bouckhouding op de Italiaensche vvijsse, tot onderscheyt der Coopmans bouckhouding, op de vvijsse van Italie, daer men segt dat die const onlancx eerst ghevonden en gheoeffent is ghevveest, hoevel eenige vermoeden de oude Romeinen die ghebruyct te hebben, vvaer af ick t'sijnder plaets de redens sal verclarenen. Maer nadien dese Vorsteliche bouckhouding uyt des Coopmans ghetrocken is, en daer groote ghemeenschap me heeft, soo sullen vvy van des Coopmans bouckhouding (na verclaring der oirsaken deser beschrijving) eerst een cort voorbeelstellen, om daer me bequamelicker uyt te leggen de voorghenomen Vorsteliche, vwelck op t'weederley soort evalt, te vveten in Domeine, en Finance extraordinaire, vvaer af van elcke int besonder hier nagheseyt sal vworden.

# OIR S A E C K D E R

*onduytsche woorden die in desen handel  
ghebruyckt sullen vorden.*



LSOO wy int begin deser Wisconstighe ghedachtenissen voor ons genomen hadde alles in plat Duytsch te beschrijven, en dat nochtans dese Bouckhouding tegen sulck voornemen met veel onduytische woorden ghemengt is, soo sal ick eer wy totte sake commen daer af mijn redenen verclaren.

Tis te weten dat ick eerst Duytsche woorden ghestelt hadde in plaets der onduytsche, als Debet, Credit, Debiteur, Crediteur, Balance, Iornael, Finance, Domeine, met diergelijcke : Maer want sijn **V O R S T E ' L I C K E G E N A D E** het bouckhouden geleert hebbende, daer na oirboir verstant en besloot , sijn rekeningen van Domeinen in bouckhoudersche stijl te doen vervaten , hy ghebruyckte daer toe de ervarentste en bequaemste Bouckhouders diemen crijghen conde: Maer want sy de boveschreven ghemeene onduytsche woorden ghewoon waren , ghelyck oock meest al de ghene daer hy vande stofdes bouckhoudens me spreken wilde, soo soude die verandering inden anvang haer swaricheyt gehadt hebben,inder voughen dat wy om sulcke redenen, besloten voor t'eerste by het boveschreven onduytsch gebruyck te blijven.

4  
AN MYN HEEREN DE  
VORSTELICKE  
PENNINGMEESTERS.



Antmen totten stant der Ghemeensaken noodich  
bevint dat hun penningben oirdentlick en ghetrouw-  
welick vergaert vorden, soo sijn de Menschen  
van ouden tijden tot nu toe, geduerlick seer becom-  
mert ghevveest met sulcke oirden te verbeteren  
daer se ghebreckich was, en met alle ontmoetende onghevallen te  
voorcommen na hun vermeugen, waer af oock by de Franconi-  
sen verscheyden edicten en bouckē in druck uytgaen: Daerom dat  
ymant mocht meynen dese wrijse van schrijven streckende tot  
sulcke verbetering, t' eenemaaleen nieuwvestof te wesen, en al oft  
gheschiede deur gheneghentheyt om ymants fautente straffen, dat  
waer ghemist, want ick d'oirsaeck soodanigher onghevallen meer  
acht ghebreck van oirden, dan ongherechticheyt der Menschen:  
Te meer datter veel ghelooven, hemlien vanden Heer geen be-  
hoorliche belooning voor hunghetrouwven dienst gheschiet te vne-  
sen, en daerom met een vryghewissen inhouden t'ghene sy ach-  
ten hun met recht toe te commen. Maer wanttet sijn conde  
dat hem yghelick met die antwoort niet en vilde ghenoughen,  
soo vil ick met dese laten berusten, te weten dat sulcke verbe-  
tering dickwils gehandthaest en bevoordert vort deur vro-  
me Tresoriers en Penningmeesters selfs, de welcke ick acht dat  
my soot noodich viel hier insouden voorstaen.

AN

# AN MYN HEER MAXIMILIAEN

*de Bethune, Hertoch van Sully, Pair van Vranckrijck,  
Marcgraef van Rosny, Raetsheer des Coninckx in sijnen Raet van Staet  
en Prive, Sijn ordinaris Camerlinck, Capiteyn van hondert peerden  
van ordonnancie van sijn Maesteyt, Groot Voyer, Grootmeester  
vande Artillerie, en Superintendent der Financen van Vranckrijck,  
Gouverneur voor den Coninck in sijn landen van Poictou, en Superin-  
tendent der Fortificatiën vante Coninckrijck &c.*

**M**YN Heer na dien mijn voornemen is dese beschrijving u E. toe te eygenen, soo sal icke eerst verclarend oirsaect die my daer toe beweecht heeft: Tis openbaer dat der groote Coopluyden Penningmeesters diemen Cassiers noemt, het ghelyc haers Meesters tot hun eygen baet soo niet gebruycken en connen, ghelyck vvel doen de Penningmeesters der Vorsten, uyt oirsaect dat den Coopman deur sijn Bouckhouder altijt vveet vat gelt sijn Cassier teghenvoordelick sonder vvederspreking in casse moet hebben: T'vvelck den Vorst van sijn Penningmeesters onbekent is, vvant hoevvel mē jaerlicx maect slot van rekening eens voorgangē jaers, en datse t'selve slot voldoen, nochtans soo en heeft den Vorst geen bevvijs van t'ghene sy int volgende onbe- sloten jaer of jaren meer ontfanghen hebben dan uytge- gheven, t'vvelck al op hun segghen an moet commen, te meer datse (buyten Cassiers gebruyck) voor alle schulden verantvoorden. Hier uyt volght datter tusschen den Vorst en sijn Penningmeesters (al anders dan tusschē den Coopman en sijn Cassier) geen eintlick slot van rekening met volcommen oplegging der resten gemaect en vvort, dan als sy uyt het ampt scheyden, of mette erfghenamen na hun overlijden, vvelcke dan dickyvils het slot voldoen met een hoop bancquerouten en quade schulden, diese bevvijsen op hemlien niet te moeten commē, en dat deur een ghemeene reghel, vvelcke voor de ghene diese vvel volght, vast gaet, gelijck t'sijnder plaets verclaert sal vvor-

A 3 den.

den. Nu dan den Heer vant gelt by sijn Penningmeesters in vvesen geen kennis noch bevvijis hebbende, soo volght hier uyt dat hemlien na ghelyt ghevraecht sijnde, soo sy antvoorden datter geen en is t'moet daer by blijven, den Vorst mach vvel anders vermoeden, of vveten dat hy sijn cyghen penninghen op intrest moet lichten, maer hy en cant niet bevvijsen, dan siet sich met open oogē tot achterstel commen, en sijn benautheyt geduerlick versvaren, te meer dattet cleen overschot van een groot incommen, op dergelycke voet inde dispenseur vliecht. Maer de groote Coopluyden verstaen hun stuck beter, vwant by aldiense sulcken stijl volghden, daer souder vveynich groote Coopluyden blijven, en hun Cassiers soudē so vvel schatten veroveren als Vorsteliche Penningmeesters. By aldien de Coopluyden sulckē manier van bevvijis te vvercke stelden, inden handel die hun Facteurs voor hemlien doen, gelijck de Vorsten gebruycken over de Facteurs van hemlien dispense, sy en souden met sulcken vrymoedicheyt soo grooten handel niet drijven als men vvel siet ghebeuren.

Doirsaecck die my tot dese verlijcking bevveeghde is dusdanich ghevveest: Nadien ick my dadelick gheoeffent hadde in Coopmansche bouckhouding en cassierschap; Daer na in stof van Finance (t'een T'antverpen, t'ander in Vlaender int quartier vande Vryen) en in dese sake foo veel ghesien als my de omstandighen toelieten, ick viel in vermoeden, ja gheloofde vastelick, dattet den Vorsten meugelick vvas in dese sake des Coopmans vvijs te volgen, en soo nauvve te vveten vvat penningen hun Tresoriers en ander Penningmeesters onder hun hebben, als de groote Coopluyden dat van hun Cassiers bekent is: Oock inde dispense sulcke versekertheyt te connē hebben vande vwaren van contabel slete den Officiers ghelevert, als de Coopluyden vande goeden die hemlien Facteurs verhandelen, Maer dit gheloof bestont een tijt langh alleenlick in ghedachten sonder vruchten, ja sonder te dencken

ken datter oyt vruchten af souden ghecommen hebben,  
 vwant t' vvas verre van yet te doen, gemerckt my niemant  
 en bejegende om daer af soo te spreken dat icker af mocht  
 verstaen vvorden, uyt oirsaect datmense soo ick mieyne  
 selden ontmoet, die hun in d'een en d'ander handel da-  
 delick gheoeffent hebben, Doch ist daer na by ghevalle  
 gebeurt dat sijn V O R S T E L I C K E G E N A D E hoorende  
 des Coopmans bouckhouding een nieuvve const te vve-  
 sen, vveerdich onder de vrye gerekent te vvorden, begee-  
 rich vviert die te verstaen, begaf hem tottet leeren, quam  
 daer af tot grondelickekennis, vvaer benevens hy ghe-  
 nouchsaem ervarentheyt hebbende in stof vā Domeine,  
 so deur geduerige oeffening in sijn eygen saken, als in die  
 van sijn Gouvernementen, heeft opentlick gesien het bo-  
 veschreven seer vvel meughelick te sijn: Inder voughen  
 dat hy tottē uytrechte van dien niemants bevveging en  
 behoufde, maer de sake in sijn eygen Domeinen (daer hy  
 niemants teghenvorsteling in ondervorpen en vvas)  
 stracx te vvercke stelde, en met vernoughen de uytcomst  
 sach. Nu dese sake buyten alle mijn vermoeden sulcken  
 anvang gecregen hebbende, my docht oirboir voorder de  
 handt daer an te houden, en dat om drie voornamelicke  
 punten. Tē eersten om te bevvissen dat die Penningmee-  
 sters, of vviert oock vvesen mocht, feylen, achtende dese  
 oeffening geen Vorstē te betamen, niet gedenckende foot-  
 schijnt, vvat Koningē hier in gearbeyt hebben, niet hey-  
 melick, maer geschreven Ordonnantien, instructien, en  
 edicten daer af uytghevende. Ten tvveeden opdat Coop-  
 mans Bouchouders, die hun mochtē vwillen begeven tot  
 bouckhouding in Domeine, of Finance sonder nochtans  
 in die stof ervarē te vvesen, dit voorbeelt tot hulp mochtē  
 nemen. Ten derdē opdat deur gemeene kennis deser Vor-  
 stelick bouchouding, de selve verbetert mocht vvorden,  
 en by ander Vorsten int gebruyck geraken soo veel meu-  
 ghelick vvaer, om alsoo te voorcommen een svvaricheyt,  
 daerde vveerelt vande oudste tijden daer ons ghedachte-

nis af gebleven is, een groote quelling me ghehadt heeft. Tot dien einde heb ick desen handel als oeffening van sijn VORSTELICKE GENADE, onder sijn Wisonstighe ghedachtenissen vervought, en de selve vooryghelick laten uytgaen: Oock die u E. toegheeyghent, uyt oirfaeck vande gemeene fame dieder overal verbreyt is van u Wijs beleyt der Finance van Vranckrijck, vvelcke ghy als Superintendent (beneffens u ander groote Ampten en Gouvernementen) op corten tijt vvonderbaerlick opgerecht, en soo vervallen sy vvas vveder op de beenen gheholpen hebt, t'vvelck my doet achten, dat by aldien tot bevoordering van sulcke stof yet in desen handel ghedaen is, dat tet u niet mishaghen en fal.

Ende hoevvel het te vermoeden staet, dat ander vvichtige saken niet toe en sullen laten u met desedinghen te becommeren, ja dattet lesen deser toccyghening u t'onpas fal meughen commen, nochtans heb ick besloten dit aldus te doen, deur dien my gheen bequamer middel int ghedacht en quam, om totte boveschreven bevoordering der sake te gheraken: Doch al vvaert datter gantschelick gheen met allen uyt en volghde, soo en fal daerom mijn aerbeyt niet heel te vergeefs sijn, gemerct dat vande sake dadelick proef is die mijn Meester heaccht, vvaer benevens ick noch hope mijn goede meinung by anderen int goede te sullen ghenomen vvorden. Vaert vvel. Gheschreven inden Haech inde maent van Augustus 1607.

*Door u ootmoedich onderdanich dienaer  
SIMON STEVIN.*

ANDEN LESER DADELICK  
ERVAREN IN DE ITALIAEN-  
SCHE BOVCKHOVDING.



**N**der de ghene die hooren van dese nieturve manier der bouckhouding in Domeine, isser veel die aldus segghen: Datmen meent de oude abuyzen dieder ommegaen in rekeningen of saken van Domeine en Finance, te voorcomme met Bouckhouders, sonder van hemlien te vervachten de syvaricheden en ongherechticheden diemen in alle menschen ghemeen vindt, t'is ghemist, en daerom salment eer lanck bevinden al op den ouden voet te commen, en dese bouckhouding van selfs te verdrvijnen. Nu want dit in reden ghegront schijnt, en menighen een afkeer mocht gheven van het volghende te lesen, denckende den handel int gheheel op een ghemiste gront ghebou te vvesen, soo heb ick voor my ghenomen eer ick totte sake comme, de dypaling der boveschreven reden te verclarren, en dat eygentlick ande ervaernen inde Italiaensche bouckhouding, om dat ander dit niet soo grondelick verstaen ensouden: Jck segh dan totte sulcke aldus: Ghenomen datter waer een seer machtich Coopman van groten handel, met veel Cassiers, wvelck Coopman niet en hielde Iornael noch Schultbouck, maer elcke Cassier alleenelick een cassebouck, wiens bladeren breedelidige canten hadden, om daer in nevens elcke partie te stellen sommighe ghdachtenissen en dinghen die de Cassiers int afrekenen seyden sus of so te vvesen: Doch sonder daer in te brenghen wat sy van elck Debiteur int besonder op rekening ontfanghen hebben, t'wvelck daer te veel schrijvens soude vereysschen, en te vervarden overcksijn, oock sonder te weten wat goeden sijn Facteurs boven alle ontfanck en levering noch by hemlien moeten hebben, latende sulcx al opt segghen der Cassiers en Facteurs ancommen. Dit soo ghenomen, ick meyn dat elck van uieden lichtelick sal toestaen den handel van sulcken Coopman niet langh te connen dueren, dan dat sijnsaken op een verloop moeten commen.

Maer sulcx als hier gheseyt is vande ongheschichte manier der rekening van soodanighen Coopman, derghelycke is oock te verstaen vande rekeningen der Vorsten en Republiquen, die sy tot noch toe gehouden hebben in Domeine, Finance, en Ghemeene landtsrekeningen, te weten alleenelick \* cassieboucken haerder Penningmeesters, diemen hun rekeningen noemt, waer uyt den Heer ghcn kennis en heeft vande ghestalt der besonder rekeningen

Der Penningmeesters tekeninge cassieboucken te weisen, sal bree der verlaert worden int 10 Hooftstuck vā de volghende bouckhouding in Domeine.

VAN

van Pachters en ander Debiteurs: Oock en can by daer uyt niet weten  
 wat goeden by sijn Officiers noch in wesen moetē sijn boven allen ontfanck  
 en distributie by hemlien ghedaen: Sulcx datmen want' beleyst sijns handels  
 foodanigen quaden uytcomst mach vervachten, als vanden boveschreven  
 ongheschickten Coopman gheseyt is. Maer nadien dese Italiaensche bouck-  
 houding alle fauten en ongherechticheden openbaer maeckt, soo wel voor  
 Vorsten als voor Coopluyden, soo ist een quaet besluyt hier in dit Hoofsch  
 bevint meer dan in Cooplienhadel, te segghen dese dinghen ghebouwvet  
 te sijn op de rechtveerdicheyt der Bouckhouders, welcke ghebrekende, dat  
 daer me de bouckhouding in d'asschen light, want ghelycē daerom by den  
 Coopman niet en verdwijnt, alsoo is te vervachten datse daerom by de  
 Vorsten en Republiquen daerse int gebruyck geraeckt niet verdwijnen en  
 moet. Noch soude men meugen dit seggen: Sooder ymant waer die de groote  
 Coopluyden ontraden wilde Bouckhouders te ghebruycken, segghende dat  
 als hun rechtveerdicheyt failliert, dat dan de Bouckhouding in d'asschen sal  
 ligghen, ghylieden soudt hem achten voor een onervaren die geen antwoor-  
 dens waert en waer, als sprekende van dinghen daer hy gheen verstant  
 af en heeft. En derghelycke meyn ick oock dat ghylieden soudt oordeelen  
 vande ghene die Vorsten en Republiquen het bouckhouden ontraden.

OIR-

# OIRSPRONCK DER

*beschrijving deser Vorsteliche  
Bouckhoudingh.*



Is ghebeurt dat ick op een morgenstont commen-  
de by sijn V O R S T E L I C K E G E N A D E , d'eerste woorden  
die hy my voorhielt, waren, dat s'daechs te vooren hem had-  
den behandicht gheweest seker rekeningen daer hy duyster-  
heyt, en sijns bedunckens onnoodighe lanckheyt in vandt,  
Maer om int verhael van dien hier niet t'elckens en dickwils  
te segghen doen seyde hy , en daer op antwoorde ick , soo sullen wy dit t'saem-  
spraeksche wijse beschrijven, ghenouchsaem ghelyck de redenen doen vielen,  
alwaer cortheyts halven mette letteren S. V. G. beteyckent wort S Y N V O R-  
S T E L I C K E G E N A D E , en met S T. Stevin.

## T S A E M S P R A E C K .

S. V. G My sijn gister en t'ander tijden meer rekeninghen behandicht,  
daer in ick vinde een duyster manier van doen , nochtans te wijle het over al  
in sulck ghebruyck is, soo weet ick dattet sijn redenen heeft : Ick heb voor my  
ghenomen met u daer af te spreken. S T. Waren die rekeninghen na Coop-  
wans wijse , of na stijl van Réntmeesters? S. V. G. Wort by d'een ander ma-  
nier ghebruyckt al by d'ander? S T. Iaet , daer is groote verscheydenheyt in:  
De Coopman spreeckt van Debet,Credit,Balance: Hy maeckt Peper,Gimber,  
Capitacl,Casse, soowel Debiteurs en Crediteurs als Menschē, t'welck by d'an-  
der in geen gebruyck en is. S. V. G. Welcke manier is de beste? S T. Yder is  
op de sijne ghewoone. S. V. G. Maer daer benevens schijnet datmen can seg-  
gē d'een of d'ander best te sijn, welcke acht ghy die te wesen? S T. Des Coop-  
mans. S. V. G. Waerom? S T. Ten eersten dat hy altijt weet wat ghelt sijn  
Cassiers in casse hebben , of behooren te hebben , dat den Vorst van sijn Pen-  
nincmeesters onbekent is, andē welcke hy al anders sijn ghelt moet laten ghe-  
bruycken. Ten anderen heeft den Coopman een behendicheyt van al-  
le goeden daer hy sijn Facteurs bewint af gheeft , t'welck den Vorst inde ghele-  
verde waren al anders opt segghen van sijn Officiers moet laten ancommen.  
Ten derden soo staen den Coopman altijt claer voor oogen , niet alleen de re-  
sten van Debiteurs en Crediteurs , maer oock resten van alle goeden dieder in  
wesen moetē sijn, wat prouffijt of scha hy op elcke soorte van goet gedaē heeft,  
en dat met een gewisse corte behendicheyt, fulcx dat dergelycke te doē in groo-  
ten handel deur de gewoonliche manier van rekening der Rentmeesters, voor  
onmeugelick te houden is. S. V. G. Te wijle de Coopmans bouckhouding de  
beste is , hoe comt datse de Rentmeesters en Rekencamers in Domeine en Fi-  
nance niet en gebruycken? S T. Ick meen onder de voornaemste oirsaken dit  
een te sijn, te wetē dattet seldē gebeurt ymant in beyde manierē dadelick erva-  
rē te wesen, overmits elck gemeenlick blijft by t'gene daer hy hem in sijn jonc-  
heyt eerst toe begeeft, en dat daerom het oirdeel vant onderscheyt niet seer ge-  
meen en wort : Ten anderen dat vande selve die in Coopmans bouckhouding  
ervaren sijn, en hun dadelick in Domeinen meughen oeffenen, niet lichtelick  
verandering te verwachten en is , om datse misschien hun eyghen baet souden  
moeten

moeten teghenstaen. S. V. G. Gaetter vant bouckhouden yet in druck uyt? S T. Iaet by verscheyden Schrijvers, als van een const welcke ick, hoewelse in *Barbaro sæculo* ghevonden schijnt, weerdich acht onder de vrye plaets te houden, meyn oock niet te blijcken, datter oyt in Italie daermen seght datse eerst int ghebruyck quam, een ander soo oirboir ghevonden is. S. V. G. Dunckt u dat ick de bouckhouding wel soude connen leeren soo icker my toe begaef? ST. v V O R S T E L I C K E G E N A D E heeft ander dinghen begrepen van veel meerder swaricheyt. S. V. G. Maer alsoo ick my in coophandel nieten verstaet, te weten of het leeren der eyghen woorden en ander noodighe omstandighen, welcke de Cooplien deur gheduerighe gewoonte weten, niet langer tijt en soude vereysschen dan my oirboir waer daer an te besteden? S T. Ick acht datter sulck ongeval uyt volghen mocht, by aldien u V O R S T E L I C K E G E N A D E alles soo nauwe wilde ondersoucken, als hemlien wel noodich is die hun als Bouckhouders dadelick daer in oeffenen. S. V. G. Ick soude voor t'eerste alleenelick begheeren te sien int rouwe wat bouckhouden is, en na de genegentheydt die icker dan toe creghe, mocht icker my meer of min in oeffenen. S T. Ick meen dat u V O R S T E L I C K E G E N A D E in tweee of drieweeken tijs daeraf al veel soude connen sien. S. V. G. Hebt ghy yet in schrift of gedruckt daer toe dienende? S T. Ia ick. S. V. G. Als ons Algebra ten eynde is, soo moeten wyderan vallen, maeckt daer teghen wat gheretschaps, want icker seer begheerich toe ben.

### T S A E M S P R A E C X E Y N D E.

**T**Is daer na ghebeurt dat ons Algebra afgheveerdicht wesen, SYN V O R S T E L I C K E G E N A D E des Coopmans bouckhouding weerom bedocht heeft, ant leeren viel, en die eintlick met vernougen verstant, sulcx dat icks hier int corte onder sijn Wisconstighe ghdachtenissen sal vervoughen, welcke beschreyven sijnde, sal daer na segghen hoe wy voorder quamen totte bouckhouding in Domeine, en vande selve oock voorbeelt gheven.

COOP.

K

COOPMANS  
BOVCKHOVDING  
OP DE ITALIAEN-  
SCHE WYSE.

# CORT BE GRYP DESER COOPMANS BOVCK- HOVDING.



*N* dese Bouckhouding worden ghebruyckt drie voornamelicke Boucken, als Jornael Schultbouken Memoriael: wvaer by noch wallen Cassebouck en Oncostbouck: Angaende Jornael, t' vvelck dachbouck beteyckent, is daermen daghelicx alle voorvallende handelinghen naecker reghel in beschrijft: Maer Schultbouck wvaer in de partien des Iornaels overghestelt wworden, en alle schulden gheduerich oirdentlick voor oogen staen. \* Memoriael noem ick daer be-  
Ander doen daer af ander bepa-  
ling. schreven ghedachtenissen in commen, die int Iornael noch Schultbouck niet en behooren. Het inhoudt van deser sullen wy met thien Hoofsticken verclaren.

Ten eersten de manier want stellen der partien int Jornael.

Ten tweeden de manier want overstellen uyt het Iornael int Schultbouck.

Ten derden voorbeelde van Jornael en Schultbouck in behoirliche form be-  
schreven.

Ten vierden verclaring der eyghenschappen des Memoriaels, Casseboucx  
en Oncostboucx.

Ten vijfden een tsaemspraeck inhoudende bouckhoudersche questiën.

Ten sexten van bouckhouding of rekenings oirden in Facturie.

Ten sevenden van bouckhouding of rekenings oirden in Compaignie.

Ten achtsten van Compagnieslot.

Ten neghenden van de Balance of Staetmaking.

Ten thienden van de bouck sluyting en beginning der nieuwre boucken.

DE

I H O O F T S T I C K.  
D E M A N I E R V A N T  
*stellen der partien int Iornael.*

**O** M alle voorcommende partien in coophandel ghedaen ten Iornale te stellen, soo is te weten dat elcke haer debet en credit heeft daerse me begint, de selve wel te treffen, is een vande besonderste punten tot kennis der bouckhouding noodich, daerom sullen wyder by voorbeelt wat verclaring af doen.

Ghenomen dat ymant met naem Pieter, my schuldich wesende, doet daer op betaling van 100 £: En ick t'ghelt in een casse legghende, alsof ick heur te bewaren gave, segh dat die casse my t'sel've gelt schuldich is, waer deur ick haer al oft een mensch waer, debiteur make, en Pieter crediteur, om dat hy sijn schult vermindert, stellende int Iornael t'begin der partie aldus.

*Casse debet per Pieter.*

Waer by noch vervouwtijt sijnde de noodighe omstandighen, als somme hoe veel, en d'oirsaeck waerom, soo is dan de partie neem ick aldus:

*Casse debet per Pieter 100 £ die van hem ontfangen sijn in minde-*

*ring van datter verschenen is op den 1 Maerrie 1600, comt - 100 £.*

Van sulcke ghedaente is int Iornael de partie op den 20 Iunius.

Maer by aldien ick self gelt gaef an Pieter, op mindering van meerder schult, soo segh ick dan:

*Pieter debet per casse.*

Soo ick van Pieter peper ghecocht heb op dach, ick stel aldus:

*Peper debet per Pieter.*

Van sulcke ghedaente is int Iornael de partie op den 28 maerte.

Maer ick an Pieter peper vercocht hebbende op dach, stel aldus:

*Pieter debet per peper.*

Soo Pieter my ghelt gheest op intrest, waer me Debiteur worden twee verscheyden partien, te weten casse, en rekening van winst en verlies, om t'verooops wille, ick stel aldus:

*Verscheyden partien debet per Pieter.*

Van sulcke ghedaente is int Iornael de partie op den 21 Augustus.

Maer ick an Pieter ghelt op intrest ghegeven hebbende, stel aldus:

*Pieter debet per verscheyden partien.*

Soo ick an Pieter vercoop verscheyden goeden, als peper, Gimber, en nagheilen op dach, ick stel aldus:

*Pieter debet per verscheyden partien.*

Van sulcke ghedaente is int Iornael de partie op den 30 Meye.

Maer Pieter an my vercoopende verscheyden goeden, als peper, Gimber, naghelen, op dach, ick stel aldus:

*Verscheyden partien debet per Pieter.*

Soo Pieter aen my schuldich waer, en ick an Ian, den welcken ick bewesen heb van Pieter te onfanghen, ick stel aldus:

*Ian debet per Pieter.*

Van sulcke ghedaente is int Iornael de partie op den 12 Meye.

Soo Pieter my peper vercoopt ghereet ghelt, ick stel aldus:

*Peper debet per casse.*

Merckt dat Pieter, hoe wel hy de ghene is die my t' peper vercocht heeft, hier nochtans niet vermaent en wort, uyt oirfaeck dat hy debiteur noch crediteur en is: Men soude hem meughen stellen inde breeder verclaring vande omstandighen, die achter de boveschreven woorden volghen, alsoo derghelijcke gheedaen is int Iornael mette partie op den 20 April, maer ten is niet heel noodich, want daer ghebeurt menighen coop, voornamelick in groote markten, als van Franckfort en dierghelijcke, alwaer de handelende persoonen malcander dickwils niet en kennen, sulcx dat als den vercooper t' gelt ontsangt voor sijn goet, en dē cooper t' goet voor sijn gelt, daer is hemliē weynich an malcanders naem gheleghen: Doch t' ghebeurt dat die een meester dienen, of in compaignie sijn, inde breeder verclaring gheeren stellen de naem des gheens daerse me gehandelt hebben, op datse dieder na begheeren te vernemen, bevinden meugen inde faken recht ghehandelt te sijn, maer anders en ist niet seer noodich. En t' gene hier gheseyt is van een ghecochte partie met ghereet ghelt, verstaet hem oock alsoo van een vercochte met ghereet ghelt, oock in mangelinghe van waren teghen waren, voort in schijnckagien, en alsins daer d'ander persoon debiteur noch crediteur en blijft, ghelyck oock inde volghende vier partien:

Soo ick an Pieter peper vercoop ghereet ghelt, ick stel aldus:

*Casse debet per peper.*

Soo ick met Pieter mangelinghe doende, hem lever peper voor gimber, ick stel aldus:

*Gimber debet per peper.*

Van sulcke ghedaente is int Iornael de partie op den 4 Augustius.

Soo Pieter my een somme ghelts schoncke, of dat ick die van hem erfde, ick stel aldus:

*Casse debet per Capitael.*

Van sulcke ghedaente is int Iornael de partie op den 24 September.

Maer soo ick an Pieter een somme ghelts schoncke, ick segh aldus:

*Capitael debet per casse.*

Soo ick betaling ghedaen hadde voor oncosten vanden huyse, ick stel aldus:

*Oncosten vanden huyse debet per casse.*

Van sulcke ghedaente is int Iornael de partie op den 28 Februarius.

Ymant mocht nu dencken en segghen, dat elcke ghehandelde partie twee Debiteurs, en twee Crediteurs heeft, en daerom beswaerlick te sijn hier uyt altijt de twee rechte te verkiesen: Als by voorbeelt, Pieter my betalende 100 £, ick ben sijn Debiteur, en casse de mijne: Hy is mijn Crediteur, en casse de sijne, vraghe welcke uyt dese vier de twee sijn die ick verkiesen moet? Antwoort die, welcke Debiteur en Crediteur an my sijn, als hier casse mijn Debiteur, en Pieter mijn Crediteur: Angaende d'ander twee die an Pieter Debiteur en Crediteur sijn, als ick sijn Debiteur, en casse sijn Crediteur, daer laet ick hem in sijn bouckhouding voor sorghen, sonder my daer me te becommeren. Een ander ghemeeen teycken is noch dit, dat ick in alle ghehandelde partie myselven of mijn naem, nummermeer debet of credit en stel.

Na dien ick S Y N V O R S T E L I C K E G E N A D E aldus deur verscheyden voorbeelden verclaert hadde, hoe elcke ghehandelde partie heur debet en credit heeft, ick heb hem voort op mijn vraghen na de ghemeene wijse van spreken, laten antwoorden hoe debet en credit daer af in bouckhoudersche stijl soude moeten commen. Als by voorbeelt, ick seyde ghy hebt van Pieter peper ghecocht op dach, hoe moet dat int Iornael commen? Waer op hy antwoerdende *Peper debet per Pieter*, t'was wel gheseyt: En derghelijcke vraghen heb ick

ick gedaen op al de voorgaende partien, met noch veel meerander onnoodich hier al te beschrijven, en dat soo lang tot dat hy den rechten debet en credit over al trefte. T'welck doent soo verre ghecommen was, wy hebben het volghende Iornael voor ons ghenomen, en sijn voortgegaen mette verclaring der manier vant stellen der partien daer in beschreven, anwijsende dat d'eerste twee sijn vant Capitacl, t'welck de reden alsoo vereyscht, want ten tijde vant begin des boucx, sijn ghemeenelick in wesen eenighe schulden, en weerschulden, goeden, en penninghen, eerder eenighen handel gheschiet, diens partie beschreven moet worden: Tis wel waer dat soot anders viel, te weten dat ymant begost met puyr gheloof sonder eenighe schult, weerschult, ware, of ghelt, datter dan fulcke twee partien van capitacl niet en souden te schrijven vallen, maer want dat seer selden ghebeurt soo ist beter het voorbeelt te stellen van t'ghene metter daet ghemeenelick te vooren comt. D'eerste der boyeschreven twee is van *Verscheyden partien debet per capitacl*: De tweede *Capitacl debet per verscheyden partien*: Daer na volghen de partien der handeling oirdenlick van daghe tot daghe achter malcander ghelyckse ghebeurt sijn. Maer hoe in elcke achter de ghetroffen debet en credit een breeder verclaring volght vande omstandighen der selve partie, daer af sietmen int Iornael verscheyden voorbeelden.

Merckt noch dat ick gebruyck onder elcke partie een deurgaende lini te trekken, strekende deur al d'ander linien die van boven neerwaert commen, en wel sichtbaerlick anwijsende waer een partie ten einde is, en waer een nieuwe begint, t'welck anders soo clae niet en valt, voornamelicke in partien die veel blaren gheschrifft begrijpen.

Noch is te weten dat etielicke bouckhouders in plaets van *per*, ghebruycken *an*, als voor *Pieter debet per peper*, te stellen *Pieter debet an peper*: Maer de wijse van *per* heeft my beter gedocht: Om hier af mijn redenen te verclaren ick segh aldus: Laet ons in plaets van t'ghene boven door verlatijnde \* constwoorden *Vocabula artis* int corte vervatet is, stellen Duytsche redenen die int langhe daer af de meinintuum, ghe inhouden, aldus:

*Pieter is my schuldich deur peper an hem vercocht 100 £.*

*Pieter is my schuldich an peper an hem vercocht 100 £.*

En soude in fulck ansien het laetste sonder bescheyt sijn, want *Pieter an my schuldich te wesen 100 £*, en *an peper oock* soo veel, ten sluyt niet. Men mocht noch segghen dat heel verkeert peper schuldich is an Pieter, ghemerckt hy in sijn boeck t'selve peper debet stelt, dat is hem schuldich te wesen soo veel uyt te brengē: Maer alsniē segt *Pieter is my schuldich deur peper an hem vercocht 100 £*, dat sluyt, en meyn daer me te blijcken het woort *deur* hier bequamer te sijn als *an*. Doch die om eenige redenen dit anders verstaen, meugē hun goeduncken volghen, t'is een sake van cleen belangh, en heb hier me alleenelick d'oirsaeck mijns doens willen verclaren.

## 2 HOOFT STICK.

### DE MANIER VAN HET

*oversetten uyt het Jornael int Schultbouck.*

**D**E partien des handels eens Coopmans alsoo ten Iornale ghestelt wesen-de, met fulck vervolgh ghelyckse daghelicx gebeurt sijn, soo heeft hy vvel by gheschrift sijn heelen handel, met alle omstandigen, maer niet soo dat hyder bequamelick afrekening deur soude connen doen, met Debiteurs en Cred-

reurs : Want yders persoons verscheyden partien al het Iornael deur ghesaeyt staende, t'soude, als ymant al gereet quaem om af te rekenen beswaerlick vallen die nietter haest, onder soo grootē menichite van ander partien, uyt te soucken, t'soude oock onseker werck vallen, deur dien lichtelick eeniche partien mochten overghesleghen sijn: En om derghelycke redenen soudet mocycleick vallen, te connen weten wat ghelyc, wat gewicht, maet of ghetal van elcke soortegoets datter in wesen moet sijn, wat prouffyt of scha hy op elcke soort van goet ghedaen heeft, wat dat beloopen oncosten vanden huyse, wat oncosten van coopmanschap, wat onfang en betaling alle vierendeel jaers valt, om den verschijndach van incoop en uytcoop der goeden en wisselbrieven daer na te rechten, en nummermeer in faute van betaling te vallen, met ander dierghelycke. Nu om dese swaricheden licht te maken, soo worden de boveschreven partien des Iornaels overgedragen int Schultbouck, sulcx dat al t'ghene een selve mensch aengaet, by den anderen comt, te weten al sijn debet ter eenander sijde, en credit ter andere : Sghelijcx oock by een elcke ander soort, als ghelyc, ware, oncosten, of wattet sy, en dat op een aerdighe corte wijse, met weynich gheschrifis. Om hieraf tot voorbeeld te commen, ghenomen dat ick wil oversetten de partie des Iornaels vanden 7 Maerte (d'oirsaeck waer om wy niet en beginnen met verclaring vant oversetten der eerste partie des Iornaels, sal hier na gheseyt worden) inhoudende *Jacques de Somer debet per naghelen, t'welck my anwijst, dat Jacques de Somer moet ghestelt sijn debet, en naghelen credit.* Om dan Jacques sijn debet te gheven, ick nemer de 12 sijde 10c, stellende ghelyckmen siet een opschrift alsdit :

*Jacques de Somer debet.*

Ende daer onder in een reghel aldus:

*7 Maerte Per naghelen verschijnende den 7e Meye 1600 fol. 5 104 & 18 § 68.*  
Ende want dit staet inde 12 sijde des Schultboucx, soo stel ick in des Iornaels eerste pilaer 12 met een liniken daer onder, beteyckenende dat den debet van die partie tot sulcken sijde des Schultboucx overghedreghen is. Sghelijcx stel ick int Schultbouck 2 inde eerste pilaer daer toe veroirdent, beduydende dat die oversetting haer partie tot sulcken sijde des Iornaels heeft : Voort stel ick inde boveschreven regel noch fol. 5, te weten t'ghetal der sijde in welcke ick sie den credit der selver partie int Schultbouck te fullen commen. Om nu naghelen haer credit te gheven, ick com totte voorschreven 5 sijde des Schultboucx, stellende daer in ghelyckmen siet een opschrift alsdit :

*Naghelen credit.*

En daer onder in een reghel aldus:

*7 Maerte Per Jacques de Somer fol. 12 174 & 14 onc. - - 104 & 18 § 68.*  
Ende want dit staet inde boveschreven 5 sijde des Schultboucx, soo stel ick in des Iornaels eerste pilaer 5 onder het boveschreven liniken, beteyckenende dat den credit van die partie tot sulcken sijde des Schultboucx overghedreghen is. Sghelijcx stel ick int Schultbouck 2 inde eerste pilaer daer toe veroirdent, beteyckenende dat die oversetting haer partie tot sulcke sijde des Iornaels heeft. Voort stel ick inde boveschreven regel noch fol. 12, te weten t'ghetal der sijde in welcke den debet der selve partie int Schultbouck staet.

Om hulpe verclaren de gedaenre en eygenschap deser corte tweederley oversetting, d'een van Jacques de Somer, d'ander van Naghelen, hoe en waerom daer in al t'gelyc is datmē totte sake behouft, so valter voor al acht te nemen tot wat einde deselve oversetting geschiet, en bevint sich dat die van Jacques de Somer

mer dient tot twee saken : Ten eersten om hem te connen manen op den behoirlcken tijt , de penninghen dieder verschenen sijn , en daerom wortter den verschijndach ghestelt : Ten tweeden om altijt gheweet voor oogen te hebben de rest die hy my of ick hem schuldich ben , en daerom wortter de somme ghestelt , want als de poste in debet en credit veel overghestelde partien heeft , men behouft niet dan elcke te vergaren , en haer verschil is de begheerde rest . Tot sulcken einde dan dese oversetting van Jacques de Somer dienende , ick seg dat nadien ick inde selve poste niet soucken en salde uytcomst van t'gewicht der naghelen (waer toe de poste van naghelen veroirdent is) soo en stel ick daer niet , noch ander onnoodighe omstandighen , als prijs of wattet wesen mocht , want sooder int afrekenen tusschen my en Jacques de Somer verschil viel vant ghewicht of prijs , ick neem het Iornael , vinde daer t'gewicht niet alleen net , maer der balen elck int besonder , met tar , n° , prijs en allen omstandighen int langhe en breedte : Sulcx dat hier alleenelick ghestelt is datter behouft , te weten verschijndach en somme , om daer deur te vinden t'gene in die poste begheert wort , dat is als vooren , om te connen manen op den behoirlcken tijt , en de rest der rekening altijt gheweet voor ooghen te hebben .

Angaende t'ander deel , te weten *Naghelen credit* , d'oversetting gebeurt oock om twee saken : Ten eersten om daer deur altijt voor ooghen te sien wat nagelegen by my noch in wesen moeten sijn , waer deur men weet offer al sijn , of waterghebrecht , om te meughen acht nemen oft ghebeurt mocht sijn deur ymans misrekening , ontrou , of onachtzaemheyt : Ten tweedē om te sien winst of verlies op nagelen gevallen . Tot sulcken einde dan dese oversetting der naghelen dienende , ick seg dat na dien men daer in niet soucken en sal verschijndach , (waer toe de poste van Jacques de Somer dient) soo en heb ickser niet ghestelt , noch andere onnoodighe omstandighen , als prijs of wattet wesen mocht , maer wel t'gewicht en somme , om daer deur te vinden t'gene in die poste begheert wort , dat is als vooren , uytcomst van ghewicht , met winst of verlies : En sulck onderscheyt overal gagheslaghen tusschen posten van menschen en waren , men onlast sich van veel onnoodighe schrijving .

Daer isser die int Schultbouck benevens veel omstandighen noch stellen de ghelsommen , niet met ghetalletern , dan int langhe met gheschreven woorden , maer ten bevalt my niet , want hoewel dat dient om int Schultbouck sulcke sommen niet lichtelick te connen vervalscht wordē , nochtans insiende t'selue Schultbouck het voornaemste niet en is , maer het Iornael (deur dienmē , het Schultbouck verlooren sijnde , tyt het Iornael een ander can maken , maer niet verkeert een Iornael uyt het Schultbouck , om dat alle maten , gewichten , bruut en net , met ander omstandighen , daer in soo volcommelick niet en staen als int Iornael ) ick soudet laten ghenoech sijn met sulcke lanckheyt int Iornael ghestelt te wesen , want daer deur soude soot noodich viel , vervalsching des Schultboucx connen ghestrafst wordeh .

Merckt noch dat ick ghebruyck den verschijndach eyghentlick te stellen , als in plaets van ic segghen , *Te betalen binnen twee maenden* , ick stel den dach daer de verschijning op valt , als int voorgaende *Verschijnende den 7 Meye* , eensdeels op dattet telckens alshen den dach wil weten , niet noodich en sy te rekenen waer die valt . Ten anderendat t'ghene op ses maenden gecocht is , dickwils niet en verschijnt op ses maendē na den dach dat de partie ten Iornale ghestelt wort , ghelyck meest al die welcke deur Facteurs ghehandelt wessende , eenige daghen of weken na den dach der handeling int Iornael des Meesters ghestelt worden , om datter metter oversenden tijt moet deurloopen .

Tot hier toe is verclaert d'oversetting wesende debet en credit een voudich, waer me wy begosten om dat de uytlegging daer deur wat lichter valt, maer van verscheyden partien sijnde, als d'eerste des lornaels aldus luydende : *Verscheyden partien debet per capita*, daer sullen wy nu af segghen : I's voor al te weten dat ick hierin buyten de ghemeene manier van doen een cortheyt ghebruyck, die my bevalt, hoewel ick daer benevens yghelick gheeren laet sijn goetduncken volghen : Dese cortheyt is hier in gheleghen : De verscheyden partien des debets overghestelt sijnde elcke na de voorgaende leering, en ghelyck deur de oversetting int Schultbouck noch eyghentlicker blijkt, soo stel ick den heelen credit over in een partie alsmen sien mach inde 3 sijde, aldus.

*Capitacl credit.**○ Ianuarius Per verscheyden partien.*

2667. 9. 8.

Want in die plaets te beschrijven al de besonder partien wiens somme bedraghen moet de voorschreven 2667. 9. 8. na de gemeene wijse, ick houdet voor onnoodiche moeyte, want als ick de poste van mijn capitacl oversie, bequa-mer staet my voor oogen de eenighe somme dan de menichte der ghedeelten: Maer sooder van eenich der selve ghedeelten eenich twijffel is, ick vindt daer af int lornael alle bescheyt int langhe. Sulcx als wy hier gheseyt hebben van verscheyden partien met capitacl, sal hem oock soo verstaen van alle verscheyden partien waerse commen, want al had een Coopman van my gecocht honderd verscheyden soorten van goet op dach, ick stel daer af op sijn debet int Schultbouck alleenelick de somme in een partie, want by aldien tusschen ons eenich verschil viel, het lornael dient my om alle besonderheden te verclare. Angaende ymant mocht segghen dat wanneermen van eenich der overgreden gedeelten in debet, souckt sijn overcommende credit, ten wort niet besonderlick gevonden als anders na de ghemeene wijse, maer daer staet een grooter somme, waer in men vermoeden mach dat ghedeelte begrepen te sijn, doch niet claer ghenouch. Ick antwoort daer op dat in sulcke ondersoucking (welcke ghemeenelick met puntering gheschiet) bevonden wesende al de partien des debets t'samen even te sijn, mette eenighe des credits, soo moet alles in sijn behoorliche Balance staen, soo ghewis al of den credit in haer verscheyden partien waer. Vande bequame cortheyt hier uyt volghende, hebben wy inde Domeinsche bouchouding seker en dadelick voorbeelt in d'oversetting van d'eerste twee grote capitale partien.

Merckt noch dat wy de ghetalen der sijden des Schultboucx al vervolghens stellen, sulcx dat de sijde van debet altijt parich ghetal heeft, en van credit onparich: In wiens plaets na de ghemeene wijse die twee sijden een selve ghetal hebben. De reden my hier toe beweghende is dese : Voor al dattet de natuerliche oirden volghtals in ander boucken, want twee verscheyden sijden een selve ghetal te gheven al oft een sijde waer, ten is soo eighenlick niet. Ten anderen de paerheyt of onpaerheyt der ghetalen die inde cant des lornaels gestelt worden, wijzen van selfs an oft debet oft credit is : Inder voughen dat al en waerder t'ghemeen onderscheyt niet van een liniken tusschen beyden, soo soude sulcx daer deur bekent sijn; Voort by aldienmen boven het schreefken eenich onparich ghetal vonde, of parich daer onder, t'soude merct eerste opsien kennelick wesen daer in ghemist te moeten sijn. Nu hoewel dit een saeck is van cleyn belangh, daer elck sijn sin af mach volgen, soo heb ick hier nochtans d'oirsaeck mijns doens willen verclare.

Noch heb ick hier willen dit vermanen : Want veel Jaerlicksche rekeningen

ghen soo wel in Domeinen en Finance extraordinaire als Coopmanschap, gemenelick anvanghen opt begin van Januarius, soo ist int ghebruyck datmen t'selve begin beteyckent metten 1 Januarius: Doch ghelyck den 20 Januarius niet recht en beteyckent t'begin des jaers, maer 20 daghen voorder: Alsoo en beteyckent den 1 Januarius niet recht t'begin des jaers, maer 1 dach voorder: En hierom en ghebruycken wy dat voor gheen begin, maer stellen aldus: o Januarius, om dat de letter o int cijffergetal begin bediet. Dit in reden gegrond te wesen soudemen noch breeder aldus meugen verclaren: Gelyck den 30<sup>en</sup> trap eens ronts des Eertcloots of Hemelcloots, en t'begin des eersten traps, een selve meetconstich punt bediet, t'welck dickwils met o beteyckent wort, alsoo is den 31<sup>en</sup> van December, en t'begin des 1<sup>en</sup> van Januarius een selve punt des tijs, t'welck wy hier oock met o beteycken: Sulcx dat die in plaets van te schrijven o Januarius, stelde 31 December, t'soude een selve wesen: Maer de reden vercyscht datmen onderscheyt ghebruycke na den eysch der omstandigen: Want datmen int begin der rekening eens voorghestelden jaers de maent December soude noemen, welcke maent in dat jaer niet en comt, t'waer onbetafelick, alsoot oock soude t'einde des selven jaers met o Januarius te beteycken. Merckt noch dat dit onderscheyt niet in ydel neuswijsicheyt en bestaat, ghelyck sommige mochten meynen, maer is onder anderen in verpachtingen van Imposten en Excisen van ansien, alwaermen om den anvanck oft einde des tijs wel uyt te drucken, somwijlen daer by seght: Ingaende snachts ten twaelfuyren achter den 31 December tusschen den maendach en dinxdach, welcke woorden niet noodich en souden wesen, en alles sonder twijffel soude sijn, als yghelick de sake verstonde na behoirtliche ghemeene reghel als boven. Noch is te ghedencken dat inde Duytsche bouckhouding op de Italiaensche wijse, seer ghebruyckt wort het Italiaensch woort *adi ditto*, beteyckenende ten daghe voorseyt: Maer my bevalt beter den dach self te schrijven soo dickwils die comt, uyt oirsaect dat wanneermen stelt *adi ditto*, soo moetmen somwijlen soucken hoedanich den voorgaenden dach was, en tot dien einde eenighe bladeren om keeren, dat onnoodich is als men den dach t'elckemaal plat uyt schrijft, t'welck schijnt datmen te liever behoort te doen, ghemerckt deur *adi ditto* gheen vercorting en comt, en alsoo haest 7 Meye, oft sulcken dach alst sijn moet gheschreven is. En om dese redenen en sullen wy dat woort niet ghebruycken, doch latende daerentusschen yder by sijn ghevoelen.

## 3 HOOFTSTICK.

## VANT VOORBEELT DES

*Jornaels en Schultboucx in behoirliecke form beschreven.*

**T**Ot hier toe gheseyt hebbende van de eyghenschappen des Jornaels en Schultboucx, wy sullen volghende d'oirden des onderscheyts int Corbe grijp verhaelt, de selve twee boucken voorbeeltsche wijse in behoirliecke form beschrijven, dat is ghelyckse in dedaet ghebruyckt worden, als volght.